



Inatsisartuni ilaasortaq
Laura Táunâjik, Siumut

**Nalunaarasuartaatigut attaveqaqatigiinneq pillugu § 37 naapertorlugu
apeqquteqaammut 2018-189-imut akissut**

20-08-2018
Suliaq nr.: 2018 - 16048
All. nr. 8441744

Asasara Laura Táunâjik

Apeqquteqaammut Inatsisartut Suleriaasianni § 37 naapertorlugu nassiussarnut qujanaq. Apeqqutit matuma kinguliani ataasiakkaarlugit issuarneqarput, akissuteqaat kingornaniilluni.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
Fax: (+299) 34 63 56
www.naalakkersuisut.gl

- 1. Naalakkersuisut 2016-imi §37-imut akissuteqaateqarmatali (183/2016) qanoq atsigisumik nalunaarasuartaatsikkut pitsangorsaasimappat, qaammataasiatigut tiguisariaqartunut soorlu oqarasuaatikkut pitsaassuseq, nettikkut downloaderinermi sukkassutsit aammalu data-nik tigooraaneq internetikkut pisiassat eqqarsaatigalugit?**

Downloaderinermi sukkassutsit aamma data-nik tigooraaneq internetsikkut pisiassat apeqqutigaaatit. Ledningeqanngitsumik internetsikkut attaveqarneq suliassaqaqrfiuvoq ammanerulersinneqarsimasooq, taamaattumillu arlalinnik ingerlatsisoqarnissaa periarfissaalluni. Taamaattumik Naalakkersuisut internetsikkut pisiassat aalajangersimasut pillugit oqaaseqarsinnaanngillat.

TELE-POST-ip satellitseqarfinni attaveqaqatigiinnerup tunuaniittup pitsanngorsarlugu suliaqarneranut tunngatillugu, tamanna pillugu suliffeqarfiup nittartagaani nutaarsiassat malinnaaffigeqqullugit kaammattussavakkit.

- 2. Qanoq annertutigisumik pitsanngorsaasoqaqqissava aammalu piffissatigut pilersaarutit qanoq isikkoqarpat?**

Ingerlatseqatigiiffiup 2017 – 2020-imut periusissiaa TELE-POST-ip nittartakkamini tamanut saqqummersereepaa, tassani ingerlatseqatigiiffiup siunnerfii nassuarneqarlutik.

Neriutigaara matuma siulianiittuni apeqqutitit akineqarsimassasut.

Inussiarnersumik inuulluaqqusillunga


Simon Simonsen